

BUKE

WEHEWEHEANO

o

KA EUANELIO

I KAKAUIA

E

MATAIO.

Commentary on Matt.

E HULI OUKOU I KA PALAPALA HEMOLELE. JOANE 5:33.

in Hain

PAIIA E
KO AMERIKA AHAHUI TERAKA,
NU YOKA,
1872.

KA EUANELIO I KAKAUIA

E

MATAIO

A. M. 4000.

MOKUNA I.

Ke kuauhau no Iesu, 25 a me kona hanau ana.

O KE kuauhau no ka ^ahanauna o Iesu Kristo, ^bka ma-

^a Luka 3: 23. ^b Halelu 132: 11; Is. 11: 1; Ier. 23: 5; Ioa. 7: 42; Oih. 2: 30; 13: 23; Roma 1: 3.

MOKUNA I.

Ka Euanelio. O ka Nu Hou maikai no ia. He inoa hoi ia o ka Moolelo o Iesu Kristo i kakauia e Mataio, Mareko, Luka a me Ioane. Malaila e ikeia'i ka moolelo o ko Iesu hanau ana, kona noho ana ma ka honua nei, kana mau hana, kona make ana, kona ala hou ana, a me kona pii ana i ka lani.

¶ O Ke Kuauhau o Iesu Kristo. 1-17.

1. O Ke Kuauhau no ka hanauana. Ua maa na Iudaio i ka malama ana i na papa inoa o ko lakou mau Kupuna, e like me ka malama ana o ko Hawaii nei i ke kuauhau o na'lili.

O Iesu Kristo. He hua olelo Helene keia inoa Kristo. Ua like ke ano o keia hua me ko ka hua Mesia ma ka olelo Hebera; oia hoi keia, o ka mea i ponii. I ka wa Kahiko, ua hookaawalea ia na alii a me na Kahuna no ka lakou oihana ma ka poni ana ia lakou me ka aila. Oihanakahuna 4: 3; 6: 20. Puk. 28: 41; 29: 7; 1 Sam. 9: 16; 15: 1; 2 Sam. 23: 1; Ua kapaia o Iesu, *Ka Mea i Ponii*, no ka mea, ua hookaawaleia oia e ke Akua no ka Oihana Alii, ka Oihana Kaula, a me ka Oihana Kahuna.

¶ Ka Mamo a Davida. He inoa ia o ka Mesia. Jer. 23: 5; Halelu 132: 10, 11; Oihana 13: 23; Ioa. 7: 42.

¶ Ka Mamo a Abrahama. He mau Kupuna koikoi ko Iesu ma ke kino, a ua kaulana loa hoi laua.

mo a Davida, ^cka mamo a Abrahama.

2 ^dNa Abrahama o Isaaka; na Isaaka o Iakoba; no ^eIakoba o Iuda a me kona poe hoahanau;

^cKin. 12: 3; 22: 18; Gal. 3: 16. ^dKin. 21: 2, 3. ^eKin. 25: 26. ^fKin. 29: 35.

2. Elua Kuauhau no ka hanauana o Iesu. Na Mataio kekahi, na Luka kekahi, Luka 3: 23-28. He nui na mea pohihiki iloko o laua. Elua mea e pohihiki ai.

(1.) He nui na inoa i ikeia ma ke Kauoha Kahiko, aole nae lakou i ikeia ma keia mau kuauhau.

(2.) Aole i like loa ka Mataio me ka Luka.

(1.) Mai ia Adamu a i Abrahama, ma ka Luka wale no ia, aole i hai iki mai o Mataio no ia wa.

(2.) Mai ia Abrahama a ia Davida, ua like loa ka laua helu ana.

(3.) Mai ia Davida a ia Iesu, aole i like na inoa i ikeia ma ka laua mau Kuauhau. No ia mea, ekolu pohihiki nui ma ia wahia.

Malaila no i ikeia'i na inoa he 42 ma ka Luka, a he 27 wale no i hiaia mai e Mataio. Aole nae i kue laua kekahi i kekahi, no ka mea, ua hoike mai o Luka i ke kuauhau o na hanauana o Maria, ka makuhahine o Iesu, aka, ua kakau o Mataio i ke kuauhau o Josepa kana kane. He mau mamo laua elua na Abrahama a me Davida. Na Iakoba o Iosepa ke kane a Maria, wahia a Mataio. (Pauku 16.)

Na Heli o Iosepa, wahia a Luka. Luka 3: 23. Pehea la keia? Penei; o Iakoba ka makuhane ponoi o Iosepa, a ua hookamaia nae o Iosepa e Heli i kei nana. A lawe ae la o Iosepa ia Maria,